

百宋樓藏書志

頤宋樓藏書志卷六十一

存齋雜纂之六

歸安陸心源剛甫編

子部

類書類三

玉海二百卷附辭學指南四卷

元刊元印本

宋 浚儀王應麟伯厚甫**撰**

玉海天下奇書也經史子集百家傳記稗官小說咸采摭焉其爲書也至顯而至微至精而至密至高而至深至博而至約凡天地山川古今事物道德性命律歷制度文章禮樂刑政兵農

食貨靡不畢備寔故宋禮部尙書厚齋先生王公專精力積三十年而後成者也先生在宋季以詞學顯融其天才絕識有大過人者且盡讀秘府所藏天下未見之書故能博洽貫穿網羅包括著爲此書第篇次浩繁日修月削間以所見疏列下方傳寫抄錄不無先後叅錯之遺非若他類書比也雖然粹焉如玉浩乎似海玉海之名斯亦奇矣先生平日著書特多玉海其最鉅者門人高第往往得其緒餘而擅名當世者有之夫不見異人必見異書一物不知君子恥

之是書也其殆集文學之大成者與東南之士
莫不知此書之奇願見其全不可得願非一家
之力所能刊行浙東帥府都事牟君應復首建
議繕寫校讎將鈔諸梓事未就而牟君去今宣
慰都元帥也乞里不花公寔來開闢承宣嘉惠
學者於是力行前議召工庀事徵費于浙東羣
縣學及書院歲入之美有差郡守張公榮祖臨
蒞提督命教授王君苴學正薛君元德董其役
凡二年而後成嗚呼繼自今是書之行也世之
君子皆得以覽觀考索焉譬如涉滄溟而求系

實無不滿意隨其所入之淺深取之無窮而用之不竭詎庸有限量涯涘哉若其門類卷帙之日則李君敘之詳矣茲不復書至元四年龍集戊寅四月初吉前翰林國史院編修官東陽胡煦序

至元六年歲在庚辰夏四月朔旦慶元路儒學新刊玉海成玉海者故宋禮部尚書厚齋先生王公之所著也先生之著是書網羅天下之見聞包括古今之故寔將使學者覽之得以施諸用蓋自書契以來典籍日滋以事物之無涯而

紀載之至繁畢年歲於披尋窮心目而研究不可得而周知况於得其要領者哉太史公論儒
家者流其學博而寡要然則博既難矣博而要
者爲尤難此玉海之書不可以不作而作非先
生不能也先生敏悟絕人少於書無不讀多識
廣聞淹貫該洽時已莫能出其右及仕於朝又
盡閱館閣之所藏宗工鉅儒咸共折服自經史
傳註諸子羣集以至於稗官小說方技讖緯之
書誦之如流言之如指掌旣皆涉其波瀾而采
其精英故其爲書粹密淵深區分臚列靡所不

載惟無益於用不足以備討論者不以登於簡
策豈非所謂博而得其要者偉乎述作非若他
書類事者之可擬倫也夫其篇次之多不免於
淆舛傳錄之久或至於脫遺士以不獲覩其完
書爲恨癸酉歲浙東帥府都事牟君應復蓋嘗
建議請命經軸讎校而刻之凡郡縣學與書院
之在浙東者等其歲入之多寡收其羨餘以爲
助移之部使者而 焉於是問者又皆喜幸是
書之不泯越四年而事未克集斯文之遇若將
有待然今宣慰元帥資德公也乞里不花以勳

德之胄膺方岳之寄敦尚文雅以爲政先下車
之始載詢載咨爰戒有司俾速其圖時則總管
張侯塔海帖木兒徵財庀工承命唯謹明年夏
教授王君苙來蒞厥職暨學正薛君元德躬自
程督上下協心有作斯應夙夜弗怠遂底于成
用力於一時垂利於無窮後之人稽典禮者求
焉考制度者取焉立政建事者資焉監其因革
而酌其時宜可以裨謀議於朝廷致治效於國
家不特廣問學給文辭而已昔之文士嘗有以
玉海名其集者詞章之靡麗蓋不足以當之夫

玉可寶而有用海之藏無所不具名之而無愧
其惟是書乎書凡二百四卷摠之以二十二門
曰律歷天道地理帝學聖文藝文詔令禮儀車
服器用郊祀音樂學校選舉官制兵制朝貢官
室食貨兵捷祥瑞辭學指南析之爲二百六十
一類於斯備矣婺郡文學中山李桓序

天下事若緩而寔急者學校是也惟知治本者
每切切而不暇以風化之美人材之盛於是乎
出四明郡學甲東澗所職非所任而氣象日萎
爾凋謝至正己丑春太守嘉議公來領是邦雖

郡事鞅掌必時造論堂而扶衰拯弊加於昔七
君子賴焉今年夏因閱玉海數百卷於魯魚亥
豕之繆命參校而正訂之者數萬言使學者無
惑於討論是雖治教中之一事然以海氛煽虐
之秋不以調給爲煩且優游於文治其急於學
校可知夫朝廷以執政大臣職郡守六事以學
校先意有在也往往有緩視之而不切於己在
公獨惓惓三年如一日非深知治本者其若是
乎惜乎瞻承之晚今也於玉海之刊誤有所感
故不可不推夫平日作新之盛心以爲來者告

百之林... 卷六十一
至正辛卯七月既望儒學正王介謹識

至正九年余來守四明公事之暇因得遍觀郡
學書籍其所謂玉海者宋尚書王公厚齋之所
著述也公以碩學者德爲儒者宗著述之書逾
三十種已鈔梓于郡學者凡十有四玉海其一
也惜其間訛誤者多歷十餘年未有能正之者
余迺命公之孫厚孫重加校讎得誤漏六萬字
鳩工修補再閱月而成夫性命道德之學發明
於先儒表章於盛世者至精且詳矣若夫制度
典故記事纂言備討論而資考索者亦學者所

當務也公之學傳於真文忠公而玉海之書寔
本於博學宏辭蓋公嘗擢是科故其彙次最爲
詠洽其它諸書扶遺經之絕學紬正史之要義
綜括於天道地理辨微於禮樂文章明小學而
廣異聞既已登名于朝廷志列史牒則其書之
已刊者不可以不究觀者不可以不悉也然則
是書之成固學者所共願也因列其目於編首
又識其始末以告來者俾敬守勿壞至正十一
年六月初吉嘉議大夫慶元路總管阿殷圖墊

堂謹序

皇帝聖旨裏浙東道宣慰使司都元帥府照得
至順三年十一月十二日准國子監牒據國子
學呈准博士趙承德關切見故宋尚書王厚齋
著書一部名曰玉海纂輯百家博綜眾理用功
精深有補後學雖嘗傳錄于世至今未曾刊行
如今所屬學院於學糧內置備筆札就於其家
眞謹抄錄發來以憑施行准此行下慶元路依
上抄錄解赴國子監收管外至順四年十月二
十六日據本道經歷司呈備準都事牟承事關
窺見慶元路鄉先生厚齋王公諱應麟以進士

詞科仕宋至翰林學士禮部尚書公篤學彊記博極羣書之言持行爲當時儒臣之冠平生著作幾三十種皆有功於後學俱未刊行至于玉海一書尤爲妙絕其門類之詳密則上至天文律歷下至禮樂器用凡二百四十餘類其紀歷代則始於伏羲堯舜終於宋之末年其摭集之書籍則自六經眾史百家子集註疏傳記譜謀藝術隱蹟之書靡有子遺纂次詳備博而有要眞足爲名世之奇書但自公歿之後其家族黨分爭書遂遺缺縉紳韋布遞相抄錄雖多寡不

同俱非全書當職游宦四明詢訪文獻故家得公之孫厚孫延致家塾俾教二子因獲盡取公之著述悉心討論訪求遺逸玉海遂見全帙考訂銓次粲然大備適當聖朝文治之盛儻得板行傳遠資禮官之敷陳惠士子之考索豈不難歟若准備足移牒憲司主領成就選官提調庶幾易於辦集具呈照詳得此又據慶元路申備儒學申准前翰林國史院編修官程從仕牒切見故宋尙書厚齋王先生著述玉海困學紀聞等書凡三十種皆有功於學者其玉海一書三

百卷凡文獻典故制度名物見於經史子集傳
註百家悉加蒐輯成編鈎玄摘要殆無遺者可
謂天下古今希有之奇書上可備朝廷禮官之
討論下可資學校士子之考索若不刊行深恐
湮沒不負國家興崇文教之美意準此照得本
學刊造四書精要文獻通考姚牧菴文集等項
書板合支錢鈔俱奉省府劄付於各路學院錢
糧內均派支撥參詳玉海一書誠可嘉惠後學
如準所言備申上司分派各處學院計料刊板
印布相應備申照詳得此本道參詳故宋厚齋

王尙書所編玉海淵博浩汗誠爲一代奇書如
準刊行上可以黼黻皇猷下可以嘉惠後學爲
此移牒本道肅政廉訪司并分司照驗施行元
統二年二月初七日準憲司分司牒看詳所言
玉海書籍如委淵深該博有益後學請依上施
行準此行下慶元路依上施行三月初九日又
準本道肅政廉訪司牒該來牒前事當司議得
刊行是書嘉惠後學誠爲善事請依例施行準
此再下慶元路依準憲司牒文事理刊行施行
五月二十八日據慶元路申該行據本路儒學

申上項玉海會計得合用梨板工食等該鈔七百陸拾三定六兩伍分爲數不少若不照依姚牧庵文集等項書版於各路學院具學錢糧內分派支撥豈能獨就倘失於刊行印布非唯有誤敗發後學抑且虛負憲司嘉惠之美意如蒙備申上司照例分派各路學院支撥庶可成就誠非小補除已委請鉛山州儒學教授程敬叔厚齋先生孫王叔載訓導朱景陸等校正對讀外開到各各料物雜數申乞照詳得此爲是玉海一書古今罕有如淮慶元路所申照依姚牧

庵文集高下分派各路學院錢糧內分派支撥
誠爲易辦庶得刊行移牒本道肅政廉訪司照
驗施行八月十八日回准憲司牒看詳放支錢
糧係有司合行事理請依例施行准此議得玉
海文光累代事益目前有惠後學誠爲美事憲
司旣許刊行有司當爲贊助爲此行下慶元等
七路依准憲司牒文事理依例施行具呈省府
照驗外今來照得厚齋王先生以六經眾史諸
子百家集成一代之典名曰玉海國學首舉印
正憲司已准刊行所用工料鈔數已嘗分派慶

元等七路學院贊助因循至今不見解納以致
上項文藉經今四年尙未完就擬合委官提調
催督庶易畢集今將慶元路元申計到合用物
料工價及本道元派各路鈔數開坐行下紹興
等路行移提調學校官督責所屬卽將元派鈔
數着緊催納齊足差人解司割付委自慶元路
總管張正議知事陳遶將仕各不妨職敦請博
通經典熟知古今老師宿儒校正對讀無差興
工刊行仍下慶元路依上施行咨請本道宣慰
使都元帥也乞里不花資德宣慰副使僉都元

帥府事郭朝散提調委自都事張承務令史王
良知督併校正刊行外合行具呈者

至元三年十一月 日令史王良知 武維

周 劉榮 朱貴 蔡彬 經歷司典史馮天

祐 浙東道宣慰使司都元帥府照磨兼管勾

承發架閣庫阮謙 承德郎浙東道宣慰使司

都元帥府都事李澤 承務郎浙東道宣慰使

司都元帥府都事相弼 承德郎浙東道宣慰

使司都元帥府經歷李忽都荅兒 副使朝散

大夫浙東道宣慰副使僉都元帥府事郭德誠

太中大夫同知浙東道宣慰使司事副都元帥忽刺忽兒 資善大夫浙東道宣慰使司都元帥安童 資政大夫浙東道宣慰使司都元帥鎖南班 資德大夫浙東道宣慰使司都元帥也乞里不花

余幼好奇耕獵詞圃麗澤西山詒我撫萬北堂之鈔西齋之目披華啟秀歷歷載腹窈吹六題叨榮兩制汗顏前修皓首曲藝斲輪不傳屠龍無用緘之青箱以詔洛誦

右先祖尚書公玉海跋語玉海者公習博學宏

詞科編類之書也是科擬題爲文專務彊記雖小而月日名數不可遺缺惟衰世事變不以命題此書事類該廣援據淵洽非但施於科目而已公甚愛玩且謂未脫稿難以示學者故藏于家後爲人竊去先人白之憲司書得復歸而散帙頗多鈔錄者又復訛舛懼無以承先志於是裒輯緒次成卷如石公著書大小三十餘種此以失而復得名尤著于時浙東都事牟公始建議板行今元帥賁德公旣至卽命刊布又刊詩考詩地理考漢藝文志考通鑑地理通釋集解

踐昨篇補注急就篇王會篇漢制考小學紺珠
姓氏篇六經天文編康成易注通鑑答問諸書
厚孫等承命校勘唯謹而董役者弗爲修改遺
誤具在觀者審焉至元六年庚辰四月一日孫
厚孫百拜謹識

鴻濛旣判六經載道歷代諸儒著述辨析至宋
而道復大明事類之書亦至宋而益廣其述者
厚齋先生爲最焉先生由詞科擢登秘府讀天
下之書而識于一心以一心之所識而著述玉
海之一書極天地萬物與夫古今禮樂制度咸

備于此祕藏於家迨今百有餘載至元丁丑歲
湖東宣闕都元帥資德公知是書而發其祕俾
錢梓以廣其傳是時經歷賈君亨都事耿君朶
羅夕來贊賓幕俱篤意斯文以是書爲己任盡
心協力克成厥功而元德寔奉檄董其事閱二
載而刊始完嗟夫是書也昔爲王氏家藏之書
今則爲天下之書矣以先生一心之微博覽天
下之書而著于一書今復以是書而行于天下
其惠後學也豈小補哉若夫論著書之旨要已
見於序文愚不復贅始記刊書歲月之始末于

卷後庶使後學之士知是書之幸傳於世不易也至元六年四月朔日鄞縣文學正東嘉薛元德序

辭學指南序曰博學宏辭唐制也吏部選未滿者試文三篇中者卽授官韓退之謂所試文章亦禮部之類然名相如裴陸文人如劉柳皆錄此選制舉又有博學通議博通墳典學兼流略辭擅文場辭殫文律辭標文苑手筆俊拔下筆成章文學優贖文辭秀逸辭藻宏麗文辭清麗文辭雅麗藻思清華文經邦國文藝優長文史

兼優之名皇朝紹聖初元取士純用經術五月
中書言唐有辭藻宏麗文章秀異之科皆以眾
之所難勸率學者於是始立宏辭科二年正月
禮部立試格十條除詔誥赦救不試又再立試
格九條曰章表露布檄書頌箴銘誡諭序記四
題分兩場歲一試之大觀四年五月以立法未
詳改爲辭學兼茂科除去檄書增入制詔仍以
四題爲兩場內二篇以歷代故事借擬爲題餘
以本朝故事或時事蓋質之古以規記覽之博
之今以觀翰墨之華宣和五年七月職方員

外郎 奏歲試不無幸中乃有省闈附試之
詔錄是三歲一試紹興三年工部侍郎李擢請
別立一科七月詔以博學宏辭爲名凡十二體
曰制誥詔書表露布檄箴銘記贊頌序古今雜
出六題分爲三場每場一古一今三歲一試如
舊制先以所業三卷禮部上之朝廷下中書後
省考其能者召試其取人以三等五年王壁石
延慶首與選嘉熙二年立辭學科以今題四篇
分兩場行之三年而廢景定二年復辭學科至
四年而止今唯存博宏一科蓋是科之設紹聖

額取華藻大觀俶尙淹該爰暨中興程式始備
科目雖襲唐舊而所試文則異矣朱文公謂是
科習誦諛今大之辭競駢麗刻雕之巧當稍更
文體以深厚簡嚴爲主然則學者必涵泳六經
之文以培其本云

小學紺珠十卷

元刊元印本

宋 浚儀王應麟伯厚甫撰

唐張燕公忠多讀少記得紺碧大珠一類握以
自照則平生所讀所記了了不忘故後人摘書
小說奇事名紺珠集浚儀王公厚齋先生應麟

長回六歲以進士中宏博科仕與蘇長公端明
翰長尚書同而德業文學亦似之守歛嘗造回
家談論彌日其該洽今無復有斯人矣公歿後
數載始得見所著小學紺珠謂八歲入學者當
讀回謂如初學記雖回七十四將十倍初學之
年亦盍時時閱之厚齋此書過於張燕公之所
照者也豈但始就外傳者宜寶之哉因具始末
於其端云大德庚子紫陽晚學方回序

故宋內翰尚書深寧王公應麟以博物洽聞伏
一世蓋自經史傳記諸子百家浮屠老氏之書

以至當代典章之因革食貨之源流衣冠之譜
系羣公先正之嘉言善行家乘野史之各見殊
聞莫不徧覽而周知之其文瞻富雅馴尤宜爲
誥在兩制時每一篇出土爭傳誦予生雖晚猶
及從東南諸大老游前一輩所不論白公同儕
言之學問文章固皆予所師資然求其書無不
讀問無不知如公者寔鮮或曰學無以博爲也
是將溺心不知聖賢教人正欲使之由是而反
約謂絕學捐書可坐進於道者此老莊所以爲
虛無吾法無是也夫子蓋焉不學雖微而一骨

一矢且知其所從來至語門弟子學詩亦欲其
多識於鳥獸草木之名若之何藉口不經之書
以自文其寡陋哉公平生著書至多悉未流布
獨見小學紺珠一編財十餘卷而天地萬物之
名數備在名書之義蓋取張燕公所玩以啟遺
忘者夫公亦何事於斯特以幸初學之士耳公
之子昌世寶其遺書欲廣傳之以成公志俾張
君仲友來屬予爲之序昔公之父吏部公與先
大父光祿府君同第嘉定癸未進士公又與老
父數同班著且嘗聯事銓曹事分之厚不並他

人儻緣通家子弟故獲挂名篇端以自託於永
久豈非甚幸用敢冒不韙而不辭嗟夫公之墓
木拱矣江左風流日以向盡四方學者皆知師
尊吾黨之士固當以甘棠視之毋曰是特儿將
急就之倫非大學者所當務云大德辛丑陵陽
牟應龍謹序

古者蒙養豫教罔不在初六年教之數與方名
八歲學六甲五方書計之事九年教之數日十
年請肄簡諒循循有序繇是有名數之學陶靖
節所以錄聖賢羣輔也君子恥一物不知訊五

穀不分七穆之對以爲洽聞束帛之誤謂之寡
學其可不素習乎迺采掇載籍擬錦帶書始於
三才終於萬物經以歷代緯以庶事分別部居
用訓童幼夫小學者大學之基也見末知本因
略考詳誦數以貫之倫類以通之博不雜約不
陋可謂善學也已浚儀王應麟伯厚父自序

姓氏急就篇二卷

元刻元印本

宋浚儀王應麟伯厚甫

撰

顯穹生民肇敘彝倫別生分類譜牒繫世姓以
德建氏以族命君之宗之一本萬支宗法不明

姓氏靡分知祖惟鄰忘先者談纂著雖多混淆
舛訛祝祝涓立宗宋使便逢逢謬謬載戴處劇
戰但莫識堯筦孰別利繁旅盧史漢亦殊遐不
考證前言往行奇觚少學史游所作韻篇古字
姓名略記昔歐陽子州名是擬韻屬句摹輯爲
此書希鏡百帙指掌可述對息問董若龜五總
姓復言重餘皆彙從尙友得師諷誦自怡稽經
訂傳蒙士用勸浚儀遺民述

新編簪纓必用翰苑新書前集七十卷後集三十二
卷別集十二卷續集四十二卷

明抄本 馬笏齋舊藏

不著撰人名氏

新刊簪纓必用翰苑新書前集十二卷後集七卷別
集二卷續集八卷 萬曆刊本

不著撰人名氏

陳文燭序

萬曆辛卯

敏求機要一卷

舊抄本

鮑漾飲舊藏

宋月梧劉芳實撰鳳梧劉茂實註

余觀醫卜陰陽書皆有歌詩捷訣况儒書汗牛
充棟非韻語括之奚以記夙成手澤私淑諸人
好古敏求望洋何極撮其機要簡則易從因輯

一編課授新學朋儕競索酬應日繁公器難私
傳介鐵筆尙有違闕同志改諸

鮑氏手跋曰乾隆乙未閏十月傳錢唐吳氏瓶
花齋本初十日畢知不足齋識

又曰丙申四月二十八日校一過溯皇初終趙
宋類本成韻語免闕冊之流也

聯新事備詩學大成三十卷

元刊本

宋毛直方編後學三山林楨編集

新編通用啟劄截江網七十四卷

宋川本
氏舊藏

蓮涇王

宋熊晦仲撰

觀呂望得兵鈐書於魚腹中以輔周室然後知
魚之可以致書也又觀葛玄附丹書於魚口中
以達河伯然後知魚之亦可以傳書也故古詩
云呼童贖鯉魚中有尺素書所以傳千里之恣
恣者信不我誣矣然臨淵羨魚不如結網此截
江網之所由設歟所謂截江網者取一網打盡
之義云爾蓋書翰者千里之面目也帳下兒讀
之則無所事此如張子布輩見之則不可草草

搜羅 故寔綱維 類文采備具足爲

趙緘之式者然後下筆 人三過盥讀十襲珍

藏見謂賢於十部從事可也近年兩坊所刊翰墨啟劄多矣類皆得其一而遺其二詳於此而略於彼未免有漏網之失惟熊君晦仲哀集是書凡古今前輩之事寔近日名公之啟劄皆網羅而得之自甲至癸分爲十集甲集則專舉諸式之大綱乙至癸則旁分品類之眾日井井且有條理至於牋表文檄碑銘箴頌記序詩詞之屬莫不咸在眞所謂集是書之大成歟吁是不止爲書翰設凡施之詞章皆可一舉是網竭澤而漁矣大可以網學海之龍小可以網文江之

鯨至於吞舟縱壑者皆入吾網又豈但醫中之
魚能傳陳勝王之帛書以示楚眾緝問之魚能
傳神仙服餌之書以遺子明而已耶歲在己未
正月元旦進七陳元善序

案此宋麻沙本每葉二十八行每行二十三字
小字雙行四庫未收各家書目皆未著錄每
卷有太原叔子藏書記白文長印子孫寶之朱
文方印每門先雜事實次箋表次啟事次答式
次小簡次古風次律詩絕句次詞曲多載全篇
宋人文集之不傳者多籍是以存己未爲開慶

元蓋宋季刊本也

六帖補二十卷

舊抄本

半舫齋舊藏

宋代郡楊伯岳彥瞻集

類書之便於檢閱惟白居易氏六帖最備大抵皆載唐以前事至皇朝紹興初有孔傳世文先聖四十七代孫也復爲孔氏六帖繼之故於舊事獨詳今百餘年莫有增者泳齋楊君伯岳乃輯白氏孔氏之遺而爲之補泳齋楊和王曾孫而刻志好學多見異書下筆皆驚人語予嘗爲寮寓郊關外復出關時一榻覓高談袞袞與夫

長篇短章更倡迭和有疑事質之嘗叩雲瓊瓊
字所出卽答以太平廣記考之果然一日出所
輯六帖補相示凡二十卷搜奇拔異事富語新
如入建章宮千門萬戶使心洞目駭應接不暇
是可與二氏六帖並行乎泳齋曰幸爲我敘
篇首昔東哲補亡詩乃其自作於亡詩何補今
所補六帖字字皆有依据其補於二氏爲多泳
齋作九經補韻尤精詳非博聞強記不能也竊
憶西墅君子堂前草必生書帶魚生墨頭午將
問諸園丁壬寅二月十五日竹坡呂午序

校正鄉貢進士州學教諭張應采 校正免解

進士州學教諭徐應采 校正貢補進士州學

直學陸誼 校正免解進士州學直學孔應選

校正免解進士州學直學鄭章 校正迪功

郎新古州太和縣主簿孔應得 校正迪功郎

新瑞州新昌縣尉州學學正鄭遠

唐世類書傳於今者有徐常侍初學記白少傅

六帖記所遺者帖采綴甚富然自六經諸子逮

於秦漢魏晉而止耳本朝名儒纂輯如晏元獻

公類要等書可謂浩博特未聞有繼六帖而作

者炎紹中興乃有孔侯六帖新書隋唐五代咸著於篇而白傅所未取者不敢過而問焉詠齋楊先生復成六帖補二十卷然後向之軼於二公者粲然在目先生博覽古今見聞該洽雖治郡叢劇而手不釋卷石渠玉府盈溢胸襟隨取而充其用畢具非假是以夸涉獵備遺忘者其志固在於續古也白傅之後歷三百年而後有新書孔侯絕筆又百年而後有是補可不謂之有志於續古歟此仕禮之所敬嘆也因刻梓於學宮以廣其傳淳祐甲辰孟冬朔日門生文林

百子本原卷之三十一
三
郎充衢州州學教授俞仕禮敬書

重刊增廣分門類林雜說十五卷

影寫金刊
山舊藏 吳方

金平陽王朋壽編

傳記百家之學率皆有補於時然多散漫不倫
難於統紀故前賢有區別而爲書號曰類林者
其來尙矣惜乎次第失序門類不備予因暇日
輒爲增廣第其次序將舊篇章之中添入事迹
者加倍又復增益至一百門逐篇係之以贊爲
十五卷較之舊書多至三倍若夫人君之聖智
聰明臣子之忠貞節義父子兄弟之孝慈友愛

將相之權謀大體卿士之廉潔果斷隱遁之潛
德幽光文章之麗藻清新風俗之好尚陰德之
報應酒醴之耽沉恩怨之報施形軀之長短容
貌之美惡男子之任俠剛方婦人之妍醜賢愚
神仙之清修鬼神之情狀宮室之華靡屋宇之
卑崇天地之運移日星之行度山海之靈潤醫
筮之精專草木之奇秀金玉之純良蠻夷之頑
獷禽魚之巨細凡六合之內所有無不概舉雖
不敢謂之知所未知亦可謂之具體而微矣其
於善者不敢加以褒飾惡者不敢遂有貶斥姑

取其本所出處及其繁節其要而已覽者味其
雅正則可以爲法視其悖戾則可以爲戒豈止
資談柄而詫多聞不爲無可取也鄉人李子文
一見曰專門之學不可旁及至如此書無施不
可好學通變之士之所願見我爲君刊鏤以廣
其傳如何予謹應之曰諾於是舉以俾之併爲
之序時大定己酉歲夏晦平陽王朋壽魯老序
排韻增廣事類氏族大全十卷 元刊本

不著撰次名氏

左氏蒙求一卷

東洋刊本

元吳化龍巖

自序

天瀑序

韻府羣玉二十卷

元刊本

元晚學陰時夫勁弦編輯新吳陰中夫復春編
註

滕賓序

姚雲序

趙孟頫題

陰竹莖序

大德丁未

陰復春序

延祐改元

陰時夫序

羣書類編故事二十三卷

明刊本

明四明王磐編集泰和梁朝校正

六經論孟諸書所載皆聖賢格言彙訓昭如日
星學者所共講習而知至於諸子百家之書幽
深玄遠學者以爲非所當習而未之究故有平
生未嘗識其書而知其說者自非老於學問博
洽雅聞又孰能窺一二於其間哉肇慶太守四
明王公博學好古無書不覽公退之暇手不釋


卷嘗采羣書中古今事迹有關於世教切於日用至醫藥卜筮之驗仙方道術之妙蠻夷出處之迹大而天地之限量微而草木鳥獸之化育無不蒐集既分類書題又註其說出某傳某錄總若干類編爲一集題曰羣書類編故事書成出以示余屬序其端觀書中所載有嘗聞父師談論而未知所考據者若繪圻屋圖綠衣言事之類是也有平昔所未聞今見於此書者若愚公移山三石見夢之類是也其事浩翰其言簡切讀之使人心胷開豁如得膏粱之味愈嗜而

愈不厭豈徒曰晚生後學閱此足以廣聞見長
智識雖士夫君子亦舒意解顏喜談而樂道也
公之用心其開示後學之意深矣在他人莅政
之暇食息不遑奚暇留心於典籍哉傳曰好學
之心老而彌篤於此見公之志矣是編一出好
下缺

學經室外集羣書類編故事二十四卷元王磐
撰按營姓名見邇波府志明初曾任廣東肇慶
太守事迹無考其書明史藝文志及藏書家皆
未著錄此本從明莫雲卿家藏元刻影寫其書

類分十八門所采故事史傳之外多取唐宋說部大旨仿朱勝非五色線之體亦類書中之一格也

案王瑩字宗器其爲肇慶太守在宣德五年見明史李驥傳此本序中已云肇慶太守四明王公則書刊于宣德以後可知研經室外集題爲元人元刊本固誤瑩之事迹見于明史循吏傳甯波府志瑩均作瑩文達偶不檢故云無考瑩又有律詩類編見葉盛水東日記云四明王瑩宗器喜言律詩云云則瑩瑩互誤久矣



酉宋樓藏書志卷六十二

存齋雜纂之六

歸安陸心源剛甫編

子部

小說類一

西京雜記二卷

舊抄本

晉丹陽葛洪稚川集

洪家世有緇子駿漢書一百卷無首尾題目但以甲乙丙丁紀其卷數先人傳之於歆欲撰漢書編錄漢事未得締構而亡故書無宗本止雜記而已失前後之次無事類之辨後好事者以

意次第之始甲終癸爲十秩秩十卷合爲百卷
洪家 書試以此記考校班固所作殆是全
取鑑書有小異同耳并固所不取不過二萬許
言今抄出爲二卷名曰西京雜記以裨漢書之
闕爾後洪家遭火書籍都盡此二卷在巾箱中
嘗以自隨故得猶在鑑歆所記世人稀有縱復
有者多不備足見其首尾參錯前後倒亂亦不
知何書罕能全錄恐年代稍久歆所撰遂沒并
洪家此書二卷不知出所故序之云丹陽葛洪
稚川序

世說新語三卷

明袁褱刊本

宋臨川王義慶撰梁劉孝標注

右世說三十六篇世所傳釐爲十卷或作四十五篇而末卷但重出前九卷中所載余家舊藏蓋得之王原叔家後得晏元獻公手自校本盡去重複其注亦小加剪截最爲善本晉人雅尙清談唐初史臣修書率意竄定多非舊語尙賴此書以傳後世然字有譌舛語有難解以它書證之間有可是正處而注亦比晏本時爲增損至於所疑則不敢妄下雌黃姑亦傳疑以俟通

博紹興八年夏四月癸亥廣川董莽題

隋遺錄一卷 宋刊本

唐顏師古撰

因論一卷 宋刊本

唐夔州刺史劉禹錫撰

自序

河東先生龍城錄二卷 宋刊本

唐柳宗元撰

牛氏紀聞十卷 舊抄本

唐牛肅撰崔造注

新唐書藝文志牛肅紀聞十卷

鄭樵通志藝文略紀聞十卷

唐牛肅撰紀釋氏道家異事

宋史藝文志牛肅紀聞十卷

崔造注

譚賓錄十卷

舊抄本

唐胡璩子溫撰

新唐書藝文志胡璩譚賓錄十卷

字子溫文武時人

崇文總目譚賓錄十卷胡璩撰

鄭樵通志藝文略譚賓十卷

唐胡璩撰雜載唐世事正史遺者

宋史藝文志胡璩談賓錄五卷

郡齋讀書志譚賓錄十卷右唐胡璩子溫撰皆

唐朝史之所遺文武間人

唐逸史三卷

舊抄本

唐袁州盧肇

發謨

周氏手跋曰唐逸史三卷新唐書藝文志稱大中時人所作不著撰人名氏宋史志作盧氏究不知盧氏何人大中乃唐宣宗紀年唐人說部每以志怪相尚似不及宋人紀載之可徵可信也嘗讀葉少蘊避暑錄話記白樂天海山事始知此書爲盧肇所作按肇字子發袁州人登會昌三年進士第一人初爲鄂岳盧商從事江陵

節度裴休太原節度盧簡求並奏爲門吏後除
著作郎遷倉部員外郎充集賢院直學士咸通
中出知欽州移宣池吉三州卒賦集入卷愈風
集十卷文標集三卷今皆不傳鈔撮旣竣粗校
一過誤脫實多惜無可正之本并摘避暑錄話
一則於後以備考嘉慶二十二年十一月旣望

長洲周世敬謝菴氏識

朝野僉載六卷

舊抄本

唐浮休子張鷟文成撰

次柳氏舊聞一卷

明仿宋刊本

唐守太尉兼門下侍郎平章事李德裕編

自序

劉賓客嘉話一卷

明刊本

書 江陵少尹韋絢錄

自序

右韋絢所錄劉賓客嘉話新唐書採用多矣而人罕見全錄園家有先人手校舊本因鏡板於昌化縣學以補博洽君子之萬一云乾道癸巳十一月旦海陵卞園謹書

因話錄六卷

明刊本

唐趙璘撰

大唐傳載一卷 舊抄本

不著撰人姓氏

自序

教坊記一卷 吳枚菴手抄本

唐著作郎崔令欽撰

自序

幽閨鼓吹一卷 明刊本

唐清河張固撰

顧元慶跋 嘉靖壬申

松窗雜錄一卷 明仿宋刊本

唐李潛編

自序

雲溪友議十二卷 明刊本

唐范攄撰

雲溪友議十二卷 舊抄本 勞季言舊藏

唐范攄撰

某氏手跋曰斯抄分十二卷似屬足本按今叢書各刊則全無標題前後既多倒置字句大有改移而不分卷目與晁氏原記三卷亦甚不符

是抄本亦未足據爲全帙殊不解也雪夜書此
以俟另覓舊刊訂正焉雲泉識

勞氏手跋曰此帙頃在杭買之嘉禾沈雙湖吏
部家書也以商本校比誤不勝改間有是處所
所賢於商本者唯每條標目尚存耳蟬隱

開元天寶遺事二卷

明刊本 黃蕘岡校本

五代五仁裕撰

此書所載明皇時事最詳至一話言一行事後
夫字文間所引大抵出於此書者多矣紹定戊
子刊之桐江學宮山陰陸子通書

黃氏手跋曰開元天寶遺事上下顧氏文房小說本也書僅明刻耳在汲古毛氏時已珍之宜此時視爲罕秘矣初書友以是書及皇甫湜輯本支遁集示余索直甚昂爲有諸名家圖記也余許以家刻書直千錢者易之未果攜之去明日往詢云需三并金後日親訪之其支集爲他人以千錢易去矣遂特此冊歸稍慰求古之心蓋毛氏舊物余本留心而陽山顧氏名元慶者在吳中爲藏書前輩非特善藏而又善刻其標題顧氏文房小說者皆取古書刊行知急所先

務矣此開元天寶遺事雖未知所從出之本云何然借西賓陸拙生藏歷代小史本證之彼已脫落幾條是此本爲善聞周丈香嚴有元刊本當假勘之唐朝 當有太真外傳梅妃傳高

力士傳皆刊入顧氏文房小說向藏梅妃傳亦顧本太真外傳別一抄本高力士傳竟無此書安得盡有顧刻之四十種耶以明刻而罕秘如是宜毛氏之珍藏于前而余亦寶愛于後也壬申夏五月二十有五日燒燭書復翁

又曰六月上旬假得周丈藏本乃活字本也卷

上次行云建業張氏銅板印行是可證矣卷下有紹定戊子刊之桐江學宮山陰陸子通書當必從宋本出適檢新定續志書籍門有云開元天寶遺事其從宋本出無疑取勘願本互有短長書經翻刻不無少誤耳復翁又識

又曰道光辛巳三月重取活本覆校用墨筆記其异字堯夫

又曰香巖于今春作古遺書屬諸郎有不喜此者卽轉徙之向爲余所見或借校者偶得之一二焉此書傳觀之目無之大約自留或已歸他

人矣活本有宋人跋語必出舊刻惜無從訪問耳

開元天寶遺事二卷

舊抄本

黃堯圃舊藏

五代五經拾遺

陸子通序

黃氏手跋曰此活字本也宋有紹定戊子刊之桐江學宮山陰陸子通書必從宋本出矣適檢新定續志書籍門有此書知卽紹定刊本也古書原委悉藉他書疏通證明之有如是者余借校此於香巖主人還書之日聊誌之以質諸同

好古書者壬申夏六月望前一日復翁丕烈識

南北史續世說十卷 明刊本

唐隴西李屋撰

俞安期序 萬曆

重彫定本鑒誠錄十卷 舊抄本 吳尺鳧舊藏

蜀何光遠撰

吳氏手跋曰嘗議五代史注缺略欲加補注此錄足備放佚第所錄詩文多取俚鄙僅成小說家耳錄中頗多點竄他人之詩不解何故至後數卷又多採摭唐人詩話與鑑誠名命之旨似

無取焉按煉師者女冠之稱非道流通稱讀此亦可證後來沿襲之誤辛丑小雪客白蘋紅蓼書堂偶得此卷中夜燒燈披竟因跋繡谷亭主焯

王文正公筆錄一卷 宋刊本

宋沂公王曾撰

南部新書十卷 明刊本 黃堯圃舊藏

宋錢後人希白撰

吳氏手跋曰錢希白名易吳越廢王保之子在宋爲翰林學士有請除非法之刑一疏於文翰

大成中見之己酉二月雪牕寶厓識

某氏手跋曰向於習察中見此書名今秋始獲
首缺甲乙二卷有寶厓題識按曠園雜志署錢
塘吳陳琰寶崖氏輯殆其人歟渠兄青壇稱其
著述最富舊有桂蔭堂集行世亦未之見古夫
于亭稿自序云序以疎拙不合於俗歸田僻居
白山錦水之陰得以餘年詠歌太平故語不越
一丑一壑鳥花猿子之間暇錄一通寄武林吳
子寶崖新安汪子于鼎不足示外人也其爲漁
洋器重若此語云不知其人視其友信哉王子

任有抄本當借錄之乾隆辛酉冬日青城漫識
黃氏手跋曰南部新書舊抄本傳錄甚多大都
出於洪武時清隱老人所跋本然十卷中刪削
過半卽有補遺亦未之備近從白堤錢聽默借
錄一本較摘本頗備然脫落訛謬正復不少猶
有待於他本之校勘焉余每以不得刻本爲憾
去冬有書友攜一本來因世間此刻甚少疑爲
宋本故索直頗昂余亦重其希有以青蚨二千
錢易之惜首缺甲乙二卷在乾隆辛酉時已不
能鈔補則刻本之希有益可知矣今春往晤周

香巖詢及是書云有刻本急假歸倩友陳敬明
兄影抄以成完書周本係虞山錢曾遵王藏書
故卷首有遵王手錄錢明逸序卷中多校改之
字又爲何心友所藏而孟公覆勘者館師顧澗
蘋云義門所校實勝於也是翁擬將校語錄出
余曰義門亦以不得宋刻名抄是正脫誤爲歎
則所校當有未盡可據者何不存此完好刻本
以復舊觀耶世無宋刻則此刻居然最先之本
卽有名抄本未免轉相傳錄意爲增損澗蘋讀
唐人事實尙有古奧不可解者矧其爲周秦時

書余之不敢錄入校語者正恐妄人強作解事
爾爰誌之以告後之不得善本而輕爲校改者
云嘉慶二年歲在丁巳夏五月二十四日黃丕
烈識

顧氏書周勳巖所藏也是翁何義門兩家校本

此書抄本類經不熟唐事人改竄 陳玉友元

庭堅 戊 所謂王府官友一人載新舊唐志而抄

本竟削去友字其他錯誤每如此惟此刻本竄

爲近之義門所改頗有未妥者如代其精 甲 五

百 王 等刻本不誤也其駁正也是翁所校之誤

多是然如改鄭康成禮記大問曰聘爲待問

士

一房光庭乃新唐書宰相世系表所謂房非姓

也改去一字

房

未經舉出者尙夥益徵雌黃不

容輕下矣蕙園有殘本缺甲乙二卷借此於周

君蘇嚴抄完之尚不錄兩家校語有以哉大清

嘉慶丁巳六月八日元和顧廣圻讀一過并記

時在士禮居之西齋

南部新書十卷

舊抄本

宋 錢後人希白撰

碧雲暇一卷

明覆宋本

宋梅堯臣撰

陳水紀聞十六卷 舊抄本

宋司馬光撰

友會叢談二卷 舊抄本

宋華陽上官融撰

自序

澠水燕譚錄十卷 舊抄本

宋齊國王闢之聖塗撰

澠水燕譚者齊國王闢之將歸澠水之上治先
人舊廬與田夫樵叟閒燕而譚說也余登科從

仕行三十年矣日欲退居故國而爲貧未果今
且老矣仕不出乎州縣身不脫乎飢寒不得與
聞朝廷之論史官所書間接賢士大夫譚議有
可取者輒記之久而得三百六十餘事私編之
爲十卷蓄之中橐以爲南畝北窗倚杖鼓腹之
資且用消壯志遺餘年耳灑濟水之名其事隨
所錄得之故無先後之序紹聖二年正月甲子
序

前人記賓朋燕語以補史氏者多矣豈特屑屑
紀錄以爲譚助而已哉齊國王闢之聖塗余同

年進士也從仕已來每於燕閒得一嘉話輒錄之凡數百事大抵盡忠義尊行節不取恠誕無益之語至於賦詠譚諠雖若瑣碎而皆有所發讀其書亦足知所存矣元祐四年予來守蒲聖塗方爲邑河東因得其錄而觀之十二月朔昌邑滿中行思復碧莎廳題

李氏李跋曰稗海所刻澠水燕譚錄十卷缺第十卷談譚一則以第四卷分作兩卷以符十卷之數又缺序目非足本也是冊乃虞山趙清常家藏本前有王聖塗自序同年進士滿中行題

語其第十卷從宋雕錄出每卷較裨海又多三十一條粲然完備亦可喜也癸丑季春雨聽李北苑題於京邸之臨舫

江隣幾雜志二卷

舊抄本

宋江休復撰

江隣幾雜志一卷

勞季言校本

宋江休復撰

錢氏私志一卷

舊抄本

宋錢世昭撰

丁晉公談錄一卷

宋刊本

宋丁謂撰

試筆一卷

宋刊本

宋廬陵歐陽修編集

余家多文忠公書然比其沒余於篋中得十數帖耳今劉君乃能致此非篤好之不能也元豐二年正月初吉蘇轍子由題

此數十紙皆文忠公衝口而得信手而成初不加意者也其文采字畫皆有自然絕人之姿信天下之奇蹟也元祐四年九月十九日蘇軾書

蘇黃門龍川略志十卷

宋刊本

宋蘇轍撰左迪功郎新授撫州宜黃縣主簿主
管學事劉信林正

自序

孫公談圃三卷

宋刊本

宋高郵孫升君孚撰

紹聖初黨錮禍起先公謫居臨汀竟捐館舍其
平生出處誕略臨汀劉君序之爲詳後六十有
八年競以事來此訪先公之寓居與當時之故
老求能道先公時事者邈不可得獨慨然太息
久之偶攜所謂談圃者隨行因請于外舅郡太

守晁公欲傳於世欣然領略之遂槩於木且以爲臨汀故事云乾道二年六月望日季孫競謹書於州治之鎮山堂

紹聖之改元也凡仕於元祐而貴顯者例皆竄貶湖南嶺表相望而錯趾惟閩郡獨孫公一人遷于臨汀四年夏五月單車而至屏處林谷幅巾履往來乎精幽塢之間其後避謗杜門不出余時侍親守官長汀縣竊從公游聞公言皆可以爲後世法亦足以見公平生所存之大節於是退而摯之集焉三卷命曰孫公談圃公

狀貌奇特眉目孤聳望之凜然可畏元祐時歷
院遷莖出入中書爲舍人危言讜論內外憚
之已而忤時宰意以集賢殿修撰留守南都後
遷天章閣待制其謫官也自南都爲歸州遂以
散秩謫臨汀公在汀二年竟以疾終明年歲在
庚辰天子嗣位盡還公官職士大夫傷公之不
及見也余辱公之知且久而公之語亦嘗屬余
紀焉公之子幼而孤則其事久或不傳於是詳
而述之庶幾不爲奉公者非特爲談圃道也公
諱升字君孚高郵人建中靖國元年正月初四

日臨江劉延世述之引

孔氏談苑四卷

述古堂抄本

宋金部郎中孔平仲毅甫撰

續世說十二卷

舊抄本

張月霄舊藏

宋魯國孔平仲字毅甫撰

史書之傳信矣然浩博而難觀諸子百家之小說誠可悅目往往或失之誣要而不煩信而可考其世說之避歟舊本分纂前言以爲要覽略而未備爰有博雅君子劬而增廣之此續世說之所以作也學士孔君毅甫平仲囊括諸史派

引羣義疏剔繁辭揆敘名理釐爲十二卷可謂
發史氏之英華便學者之觀覽豈曰小補之哉
惜其書成未及刊行轉相傳寫不無烏焉成馬
之弊今茲善本從義郎李君敏得之於前靖守
王君長孺相與鏤板而藏焉王親授於孔知其
不謬李今爲沅人徒有其本而所傳蓋未廣也
紹興丁丑春雒陽王公無染濯守沅之明年郡
學鼎新人材益進嘗顧謂僚佐曰沅爲郡僻遠
史書尤不易備會史之要莫善於世說續說又
盡善也俄李氏以其書板來售卽加是正復命

鑱刻以補其不足將俾人得其傳其利溥哉此
書載言行美惡區以別之學者博古考類擇善
而從去古人何必有間不但資談說而已然後
知公措意豈苟然哉後之爲政者能謹其藏勿
靳其傳是亦公之用心也三月初一日長沙秦
果序

沅州公使庫重修整雕補刊續世說壹部壹拾
貳卷壹伯伍拾捌板用紙叁百壹拾陸張右具
於前

紹興二十七年三月 日右迪功郎沅州司法

兼監使庫翁灌冊 右從事郎沅州軍事判官

閔敦仁 右迪功郎沅州州學教諭校勘胡博

右朝奉郎通判沅州州軍事秦果 左朝散

大夫知沅州州軍事王濯

今具印造續世說一部計六冊合用工食等錢
如后一印造紙墨工食錢共五百三十四文足
大紙一百六十五張計錢三十文足工墨錢計
二百四文足一標精青紙物料工食錢共二百
八十一文足大青白紙共九張計錢六十六文
足麪臘工錢計二百一十五文足已上共用錢

八百一十五支足右具在前

掣經室外集續世說十二卷宋孔平仲撰取宋齊梁陳隋唐五代事迹依劉義慶世說之目而分隸之成書十二卷見於宋史本傳及藝文志小說家類卷裘相同書錄解題文獻通考皆錄其書而近代儲藏家罕有著錄者王士禛居易錄曾道及此書云已失傳則士禛亦不得見此書也此書平仲無自序有紹興戊寅長沙秦果序序言平仲書成未刊從義郎李敏得善本於前靖守王長孺相與鏤版王親受於孔知其不

繆丁丑之春維陽王濯來守沅之明年李氏以其書版來售卽加是正鏡刻以補其不足云云此從宋沅州刻本傳寫者卷裝完整無闕特書中部次錯雜有兩條合爲一條者抑且時代先後往往倒置蓋校勘之時不免有私爲竄改之弊必非平仲元本之誤也

畫墁錄一卷

明抄本 何義門舊藏

宋東部侍郎張舜民芸叟撰

何氏手跋曰康熙壬辰蔣生從崑山葉氏得此本予適借汲古毛氏舊抄本稍正其訛謬然其

中向有不可讀者特比新刻庶差勝爾何焯記

湘山野錄三卷

舊抄本

黃堯圃舊藏

宋本曾文堂換

黃氏手跋曰湘山野錄余家有宋刻元人補鈔本又有毛斧季校宋本實同出一源而毛校失宋刻元鈔之真但云校宋非原書之舊矣外間傳本除毛氏津逮本外鮮有他本此冊近從坊友易得始欲手校宋刻元鈔面目于其上後檢藏本證之知是本非出毛刻與宋刻元鈔本時合時不合必別有據依未敢輕改且錄之下卷

自潘逍遙闕有詩名下

留此

爲別本之證壬申二月丕烈識

湘山野錄三卷

舊抄本

葉石君舊藏

宋 吳僧文瑩撰

玉壺野史十卷

鈔丁校本

緇谷亭舊藏

宋 釋文瑩撰

玉壺隱居之潭也文瑩收古今文章著作最多
自國初至熙寧間得文集二百餘家近數千卷
其間神道碑墓誌行狀實錄及奏議碑表野編
小說之類傾十紀之文字聚眾學之暗郁君臣

行事之迹禮樂文章之範鴻勳盛美列聖大業
關累世之隆替蔽四海之聞見惜其散在眾帙
世不能盡見因取其未聞而有勸者聚爲一家
之書及纂江南逸事并爲李先主昇立傳離爲
十卷且夫黃帝之時世滄事簡尚有風后力牧
爲史官藏其書羣玉山中知所以有史者必欲
其傳無其傳則聖賢治亂之迹都寂寥於天地
間當知其傳者亦古今之大勸也書成於元豐
戊午八月十日餘杭沙門文瑩湘山草堂序
吳氏手跋曰晁氏讀書志皇朝僧文瑩撰玉壺

清話十卷自敘作書之山玉壺者其隱居之潭也今觀前敘可得其大概矣吳氏繡亭藏書康熙丙申九月紀

同治十二年冬十月以五硯樓抄本校過卷八後缺七八葉須別抄補入卷七嘗謂文老不衰者一條爲五硯樓所無唐彥詢一條五硯本缺後半徐常侍鉉一條五硯本缺前半惜行篋無守山閣知不足齋兩本無以校正耳陸心源識

玉壺清話十卷

吳枚菴手校本

宋釋文瑩撰

吳氏手跋曰右書一名玉壺野史前明止傳五卷吳人吳岫訪得後五卷四明范欽又從岫借鈔始成完書乾隆丙申夏月借江藩本錄之未竟閱明年目疾大作旬友人王凝足成之脫句誤字幾於十之五六俟得善本正之丁酉中元枚菴湯士吳翌鳳書

又曰此書訛脫傳本皆然己亥春二月借朱文游丈藏本凡用硃筆塗改校補一千六百餘字雖未詳盡亦頗精允若其底本則與此無一不同也暇閱錢遵王讀書敏求記載有其從祖榮

木樓校本凡行間脫字一一補綴完好殆卽是
本之祖乎書以志幸翌鳳又記